



جدوال قمبراچان خطبه جمعة

Siri 12/ 2022

(Bulan Disember Tahun 2022)

تاریخ	تاجوق	ب
2.12.2022M/ 7 Jamadilawwal 1444H	Khutbah Khas JKR Malaysia : قمبراچونن لیستاری، نعمت دشوکوری	1.
9.12.2022M/ 14 Jamadilawwal 1444H	تغکو عجاب ایو باف دوقتو چوتی سکوله	2.
16.12.2022M/ 21 Jamadilawwal 1444H	منجان فنداقتن نکارا تغکو عجاب برسام	3.
23.12.2022M/ 28 Jamadilawwal 1444H	سایغن دنیا برقدقد	4.
30.12.2022M/ 6 Jamadilakhir 1444H	انق ۲... سدیا کسکوله؟	5.
خطبه کدوا		

فرچیتقن دبیاای:ی:



تلیفون: 04-5498088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Menjana Pendapatan Negara Tanggungjawab Bersama

(16 Disember 2022M/ 21 Jamadilawwal 1444H)

الْحَمْدُ لِلَّهِ الْقَائِلِ، قَالُوا يَذَا الْقَرْيَتَيْنِ إِنَّ يَأْجُوجَ وَمَأْجُوجَ مُفْسِدُونَ فِي الْأَرْضِ فَهَلْ
نَجْعَلُ لَكَ خَرْجًا عَلَى أَنْ تَجْعَلَ بَيْنَنَا وَبَيْنَهُمْ سَدًّا ﴿١٦﴾

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ الْحَقُّ الْمُبِينُ،
وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ، الصَّادِقُ الْوَعْدِ الْأَمِينُ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ أَفْضَلِ الْمَخْلُوقِينَ، وَعَلَى آلِهِ وَأَصْحَابِهِ
أَجْمَعِينَ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيكُمْ وَآيَايَ بِتَقْوَى اللَّهِ، فَقَدْ فَازَ
الْمُتَّقُونَ.

SIDANG JUMAAT YANG BERBAHAGIA,

Di kesempatan yang penuh kemuliaan ini, khatib berpesan kepada diri sendiri serta para jemaah sekalian, bertakwalah sekalian kamu kepada Allah *سُبْحَانَهُ وَتَعَالَى* dengan sebenar-benar takwa. Dan janganlah kamu mati melainkan dalam keadaan Islam. Selain itu, marilah kita tingkatkan ketakwaan kepada Allah dengan melakukan segala suruhan-Nya dan menjauhi segala yang ditegah-Nya. Mudah-mudahan dengan asbab ketaatan dan ketakwaan kita kepada Allah, segala ujian yang diberikan pada waktu ini akan segera diangkat oleh Allah.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang



bertentangan dengan sunnah serta adab yang boleh mengurangkan pahala, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan menggerakkan tabung kutipan semasa khatib sedang berkhutbah. Bagi melengkapinya kewajipan solat jumaat hari ini, marilah kita menghayati bicara mimbar yang bertajuk: **“Menjana Pendapatan Negara Tanggungjawab Bersama.”**

SIDANG JUMAAT YANG DIRAHMATI ALLAH SEKALIAN,

Pemberian hasil tanah merupakan elemen yang penyumbang kepada pendapatan sesebuah negara. Antaranya cukai tanah yang akan memberikan pulangan yang bermanfaat kepada ekonomi sesebuah negeri dan negara. Seterusnya, pulangan yang diterima itu pula akan digunakan untuk memberikan manfaat kepada rakyat melalui berbagai aspek seperti kesihatan, pendidikan, kemudahan asas dan pelbagai perkara lagi yang bermanfaat.

Berdasarkan Kanun Tanah Negara 1965, cukai tanah ditakrifkan sebagai sejumlah wang tahunan yang perlu dibayar oleh seseorang individu atau sesuatu pihak kepada pihak berkuasa negeri (PBN) sebagai cukai sewa. Cukai yang dikenakan termasuklah cukai tanah yang bertujuan memberikan pulangan kepada sesebuah negeri bagi manfaat rakyat adalah tidak bertentangan dengan syarak. Ia merupakan suatu bentuk usaha bagi membantu negeri menjana pendapatan.

Pembayaran cukai tanah selagi mana difikirkan bersesuaian oleh pihak pemerintah dan tidak membebankan rakyat adalah merupakan satu usaha bagi menjana pendapatan sesebuah negeri. Pulangan yang diterima akan digunakan untuk

kemudahan rakyat di sebuah negeri dan negara. Firman Allah
سُبْحَانَهُ وَتَعَالَى dalam surah Al Maidah ayat 2;

... وَتَعَاوَنُوا عَلَى الْبِرِّ وَالتَّقْوَىٰ وَلَا تَعَاوَنُوا عَلَى الْإِثْمِ وَالْعُدْوَانِ وَاتَّقُوا اللَّهَ إِنَّ اللَّهَ

شَدِيدُ الْعِقَابِ ﴿٢﴾

Maksudnya: "...saling tolong-menolonglah kamu dalam melakukan kebajikan dan takwa. Dan jangan saling tolong-menolong pada perbuatan yang dosa dan permusuhan. Bertakwalah kepada Allah. Sesungguhnya siksaan Allah itu sangatlah pedih."

Mimbar ingin menyatakan bahawa membayar cukai sangat berkait rapat dengan sikap amanah dan tanggungjawab. Ingatlah bahawa mengelak dari membayar cukai adalah satu ancaman kepada ekonomi negeri. Ini kerana cukai yang tertunggak adalah merupakan hutang kepada kerajaan negeri. Malah mengurangkan kredibiliti kerajaan disebabkan oleh gejala negatif tersebut. Ingatlah pesan Rasulullah ﷺ diriwayatkan oleh Imam Muslim yang bermaksud:

"Sesungguhnya Allah سُبْحَانَهُ وَتَعَالَى mengampunkan segala dosa orang yang mati syahid (di jalan Allah) kecuali (dosa yang melibatkan) hutang piutang."

SIDANG JUMAAT YANG DIRAHMATI OLEH ALLAH

سُبْحَانَهُ وَتَعَالَى,

Pada ayat 94 dari surah Al Kahfi yang dibacakan khatib pada permulaan khutbah, Allah berfirman yang bermaksud:

Mereka berkata: “Wahai Zulqarnain, sesungguhnya kaum Yakjuj dan Makjuj sentiasa melakukan kerosakan di bumi; oleh itu, setujukah kiranya kami menentukan sejumlah bayaran kepadamu (dari hasil pendapatan kami) dengan syarat engkau membina sebuah tembok di antara kami dengan mereka?”

Imam Asy-Syaukani menyatakan dengan jelas maksud Al Kharaj merupakan “apa-apa yang dikutip oleh pemimpin.” Menurut Ibnu Al ‘Arabi pula, ayat ini menjelaskan bahawa pemimpin perlu mengumpulkan sumber pendapatan negara bagi memelihara kepentingan umum negara dan rakyat, bahkan pemimpin boleh mewajibkan rakyat untuk mengeluarkan sebahagian harta mereka. Ini termasuklah pemimpin boleh mewajibkan rakyat membayar cukai.

HADIRIN YANG DIRAHMATI OLEH ALLAH سُبْحَانَهُ وَتَعَالَى,

Pemilikan tanah secara sah di sisi undang-undang juga merupakan antara nikmat kepada seseorang manusia di atas muka bumi ini. Tanah yang dimiliki itu boleh menjana pendapatan dengan tanaman, pembangunan serta dapat menjana pendapatan pemiliknya dengan nilai semasa hartanah tersebut yang bertambah pada setiap tahun.

Selain pembayaran zakat atas nikmat pemilikan harta yang diperolehi sekiranya sudah mencapai haul dan nisab, cukai yang dijelaskan juga adalah salah satu usaha terpuji bagi menzahirkan rasa kesyukuran seseorang rakyat sekaligus membantu negara yang dicintai. Firman Allah سُبْحَانَهُ وَتَعَالَى dalam surah Saba’ ayat 15;

لَقَدْ كَانَ لِسَبَإٍ فِي مَسْكَنِهِمْ آيَةٌ جَنَّتَانِ عَنْ يَمِينٍ وَشِمَالٍ كُلُّوا مِنْ رِزْقِ رَبِّكُمْ
وَأَشْكُرُوا لَهُ بَلَدَةٌ طَيِّبَةٌ وَرَبٌّ غَفُورٌ ﴿١٥﴾

Maksudnya: “Demi sesungguhnya, adalah bagi penduduk negeri Saba’ satu tanda (yang membuktikan kemurahan Allah) yang terdapat di tempat tinggal mereka, iaitu: dua kumpulan kebun (yang luas lagi subur), yang terletak di sebelah kanan dan di sebelah kiri (kampung mereka). (lalu dikatakan kepada mereka): “makanlah dari rezeki pemberian Tuhan kamu dan bersyukurlah kepada-Nya; (negeri kamu ini adalah) negeri yang baik (aman dan makmur), dan (Tuhan kamu adalah) Tuhan yang Maha Pengampun.”

MUSLIMIN YANG DIMULIAKN ALLAH,

Melalui lembaran sejarah, kerajaan-kerajaan Islam telah memperkenalkan jizyah yang merupakan suatu bentuk cukai yang dikenakan kepada golongan bukan Islam agar melayakkan mereka untuk mendapat perlindungan dan penjagaan sama ada harta, keluarga, darah dan lain-lain.

Malah, pada zaman Saidina Umar Ibn Al Khatab رَضِيَ اللَّهُ عَنْهُ, cukai tanah yang diperkenalkan dikenali sebagai kharaj iaitu cukai perdagangan yang merupakan salah satu usaha bagi menjana pendapatan negara. Malah, sistem percukaian yang ditetapkan oleh pemerintah berkembang seiring keperluan semasa sesebuah negara.

Imam At Tirmizi telah merekodkan hadis daripada Fatimah binti Qais رَضِيَ اللَّهُ عَنْهَا, bahawa Rasulullah صَلَّى اللَّهُ عَلَيْهِ وَسَلَّمَ telah bersabda dalam sebuah hadis;

إِنَّ فِي الْمَالِ لَحَقًّا سِوَى الزَّكَاةِ

Maksudnya: “Sesungguhnya pada harta itu ada kewajipan (hak untuk dikeluarkan) selain zakat.”

Oleh itu, berdasarkan hadis ini masih terdapat lagi keperluan daripada harta yang perlu ditunaikan oleh setiap individu selain daripada zakat yang perlu dilunaskan.

Cukai hakikatnya adalah yang dikeluarkan oleh rakyat untuk kebajikan diri mereka sendiri. Oleh itu, ia secara tidak langsung adalah satu bentuk kerjasama antara rakyat dengan kerajaan untuk kepentingan bersama.

SIDANG PENDENGAR YANG DIMULIAKAN,

Sebagai kesimpulan daripada khutbah hari ini, perlu diinsafi bahawa sebagai seorang mukmin, selain tanggungjawab untuk melaksanakan ibadah zakat untuk kelangsungan ekonomi umat Islam, kita juga bertanggung jawab kepada negeri dan negara melalui pembayaran cukai termasuklah cukai tanah, cukai perdagangan dan sebagainya. Marilah kita bersama-sama menghayati intipati daripada khutbah yang dibacakan tadi:

1. Kita wajib menjelaskan cukai untuk kelangsungan ekonomi negeri.
2. Kitaran ekonomi yang positif, adil, saksama dan kondusif akan menjadikan umat Islam sebagai umat yang berkemampuan.
3. Dalam Islam, sesebuah kerajaan mempunyai hak untuk mewujudkan dasar percukaian selagi mana dasar tersebut menepati prinsip keadilan, melestarikan kemakmuran negara dan tidak membebankan rakyat.

Firman Allah dalam surah An-Nisa ayat 36:

وَأَعْبُدُوا اللَّهَ وَلَا تُشْرِكُوا بِهِ شَيْئًا ۚ وَبِالْوَالِدَيْنِ إِحْسَانًا وَبِذِي الْقُرْبَىٰ وَالْيَتَامَىٰ
وَالْمَسْكِينِ وَالْجَارِ ذِي الْقُرْبَىٰ وَالْجَارِ الْجُنُبِ وَالصَّاحِبِ بِالْجَنبِ وَابْنِ السَّبِيلِ وَمَا
مَلَكَتْ أَيْمَانُكُمْ ۚ إِنَّ اللَّهَ لَا يُحِبُّ مَن كَانَ مُخْتَالًا فَخُورًا ﴿٣٦﴾

Maksudnya: “Dan hendaklah kamu beribadah kepada Allah, dan janganlah kamu mempersekutukan-Nya dengan sesuatu apa jua dan hendaklah kamu berbuat baik kepada kedua ibu bapa dan kaum kerabat, dan anak-anak yatim, dan orang-orang miskin, dan jiran tetangga yang dekat, dan jiran tetangga yang jauh, dan rakan sejawat, dan orang sakit yang terlantar, dan juga hamba sahaya yang kamu miliki, sesungguhnya Allah tidak suka kepada orang-orang yang sombong takbur dan membanggakan diri.”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ
قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ،
وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن ديسمبر

2022M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَءَنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta,



memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam golongan yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٢٥﴾